

Svona gerum við! - Leikskólanámskeið

Námskeiðin **Svona gerum við** eru haldin í samstarfi við ýmsa leikskóla borgarinnar sem hafa unnið að útikennslu með góðum árangri. Markmið námskeiðanna er að stuðla að jafningjafræðslu á milli leikskólakennara og veita leikskólunum tækifæri til að miðla því sem best hefur tekist til annarra. Á hverju námskeiði fyrir sig eru dregin fram sérkenni útikennslunnar í hverjum skóla.

Námskeiðin fara fram á þeim svæðum sem leikskólarnir eru vanir að nýta í útikennslu barnanna. Fræðslan er í höndum leikskólakennaranna sjálfra, í samstarfi við verkefnisstjóra Náttúruskólans.

Brekkuborg - Í Leynilundi

2. september, fimmtudagur kl. 9:30-11:30

Í byrjun september förum við í vettvangsferð í Leynilund með starfsmönnum Brekkuborgar í Grafarvogi. Í Brekkuborg hefur útinám verið hluti af hefðbundnu starfi leikskólabarna um árabíl og þar leitast kennarar við að flétta umhverfismennt og útinám saman með góðum árangri.

Námskeiðið fer fram í Leynilundi en það er grenndarsvæði leikskólans í óbyggðu holti rétt við skólann.

Leiðbeinendur eru Elvira Víktorsdóttir, deildarstjóri, og Jóhanna Kristjánsdóttir, aðstoðarleikskólastjóri.

Reynisholt - Jóga og útileikir

9. september, fimmtudagur kl. 9:30-11:30

Í Reynisholti hefur jóga verið markvisst innleitt í skólastarfið. Á námskeiðinu verður farið í jógastund og leiki tengda náttúrunni líkt og gert hefur verið með nemendum leikskólans. Fjallað verður um hvernig jóga og útikennsla hafa fléttast saman í leikskólanum og gefin góð ráð.

Námskeiðið fer fram í Reynislundi sem er skógarljóður við leikskólann Reynisholt og opnað var þann 25. júní sl. með formlegum hætti.

Mikilvægt er að þátttakendur séu í hlífðarbuxum.

Leiðbeinandi er Aðalheiður Stefánsdóttir, aðstoðarleikskólastjóri.

Steinahlíð - Útileikir & tilraunir

14. september, þriðjudagur kl. 9:30-11:30

Hvað finnst krökkunum í Steinahlíð skemmtilegt og mikilvægt?!

Steinahlíð hefur um árabíl verið frumkvöðull í útikennslu og umhverfismennt og verkefni námskeiðsins eru valin út frá viðtölum við nokkur börn í leikskólanum. Þeim er ætlað að vekja athygli og áhuga á umhverfinu, örva skapandi hugsun og hugtakaskilning svo eitthvað sé nefnt.

Námskeiðið fer fram á lóð leikskólans Steinahlíðar og leiðbeinandi er Steinunn Jónsdóttir, leikskólastjóri.





Útikennsla

Náttúruleikir

25. ágúst, miðvikudagur kl. 9:30-11:30

eða 22. september, fimmtudagur kl. 9:30-11:30

Leikurinn er mikilvægasta náms- og þroskaleið barna. Leikur er frábær leið til að opna augu barna fyrir fjölbreytileika umhverfis og náttúru og leggja þannig grunn að umhverfisvitund einstaklingsins.

Á námskeiðinu verða kenndir leikir sem hjálpa yngstu nemendum að upplifa og skynja umhverfi sitt. Í þeim er lögð áhersla á að nota sem flest skynfæri og að auka orðaforða nemendanna.

Námskeiðið hentar einkum leikskólakennurum og þeim sem starfa á yngsta stigi grunnskólans.

Yngstu náttúrufræðingarnir

31. ágúst, þriðjudagur kl. 9:30-11:30

eða 23. september, fimmtudagur kl. 9:30-11:30

Náttúrufræðikennsla yngstu nemendanna er miklu skemmtilegri ef hún fer fram utandyra.

Á námskeiðinu verður fjallað um einfaldar rannsóknir og tilraunir sem henta börnum á leikskólaaldri og nemendum á yngsta stigi grunnskólans. Verkefni hafa það að markmiði að skerpa sýn barnanna á náttúruna og umhverfið í kring um okkur. Ýmis einföld áhöld til rannsóknarvinnunar verða búin til.

Námskeiðið er skemmtileg viðbót við náttúruleikina sem margir hafa tileinkað sér.

Stærðfræði og útikennsla

7. september, þriðjudagur kl. 15:00-17:00

Útikennsla er skemmtileg aðferð til að auðga stærðfræðikennslu á öllum stigum grunnskólans, hvort sem hún fer fram í manngerðu umhverfi eða náttúrulegu. Á námskeiðinu verður farið í ýmsa stærðfræðileiki og verkefni sem nýtast til kennslu hvenær sem er og krefjast lítils viðbótarundirbúnings kennara.

Verkefni spanna öll stig grunnskólans, þau fjalla um tölur og talnaskilning, reikniaðferðir, myndur og regluleika í náttúru og umhverfi og algebru.

Námskeiðið hentar öllum kennurum, jafnt stærðfræðikennurum sem almennum.

Tungumál og útikennsla

6. október, miðvikudagur kl. 15:00-17:00

Hvernig er hægt að vinna utandyra að tungumálanámi? Hvernig má flétta saman málfræði og útikennslu? Hvernig er hægt að sniða útikennslu að þörfum unglingastigsins og greinakennslunnar?

Á námskeiðinu er fjallað um möguleika útikennslu í tungumálanámi og gerðar fjölmargar æfingar sem henta nemendum á mið- og unglingastigi. Þetta námskeið er einkum ætlað tungumálakennurum en getur einnig nýst íslenskukennurum á mið- og unglingastigi.

Útiöldun

13. október, miðvikudagur kl. 15:00-18:00

Ath. Lengt námskeið!!!

Enn á ný heldur Náttúruskólinn námskeið í útiöldun í samstarfi við Guðmund Finnbogason, skáta og heimilisfræðikennara við Laugarnesskóla.

Fjallað verður um eldstæði, eldivið og hvernig best er að bera sig að til að útbúa góðan mateld. Ýmis eldunaráhöld verða sýnd og prófuð og þátttakendur fá að spreyta sig við matreiðsluna.

Útiöldunarnámskeiðið eitt vinsælasta námskeið Náttúruskólans og í hvert sinn sem það er haldið eru prófaðar nýjar uppskriftir og hugmyndir.

Jól í útiskóla

Leikskólar - 2. nóvember kl. 9:30-11:30

Grunnskólar - 10. nóvember kl. 15:00-17:00

Þegar dagurinn er sem stystur og líða fer að aðventu opnast nýir möguleikar í útikennslunni. Í rökkrinu verður leitast við að skapa notalega stemningu í kring um ýmis verkefni sem hægt er að grípa til þegar birtan er ekki mjög mikil, jörð e.t.v. hulin snjó og kuldinn bitur í kinnarnar.

Námskeiðið er endurtekið frá hausti 2009 og líkt og áður er það samstarfsverkefni Náttúruskóla Reykjavíkur og Lesið í skóginn.



Umhverfismennt

Sjálfbær útikennslusvæði I

16. september, miðvikudagur kl. 14:30-17:00

Fjölmargin skólar hafa innleitt útinám í skólastarfið og margir þeirra hafa komið sér upp sérstakri aðstöðu til útikennslunnar. Regluleg notkun útikennslusvæða myndar ágang og mikilvægt er fyrir skólana að huga að heilbrigðri framvindu svæðanna.

Náttúruskóli Reykjavíkur, verkefnið *Skólar á grænni grein* og Lesið í skóginn taka höndum saman og halda námskeið um sjálfbær útikennslusvæði. Fjallað verður um hvernig umgangast skal útikennslusvæði með sjálfbærum hætti, ræddar leiðir til úrbóta og verkefni unnin sem nýst geta kennurum og nemendum í þessari vinnu. Námskeiðið er endurtekið frá vori 2010.

Norræni loftslagsdagurinn

29. september, miðvikudagur kl. 14:30-17:00

Í tilefni af Norræna loftslagsdeginum, þann 11. nóvember nk., mun Náttúruskólinn halda námskeið um loftslagsmál í samvinnu við Menntamálaráðuneytið og *Skóla á grænni grein*.

Markmið námskeiðsins er að vekja kennara til umhugsunar um loftslagsmál og styðja þá í vinnu að loftslagsverkefnum með nemendum sínum svo flestir sameinist í að taka þátt í norræna loftslagsdeginum. Farið verður yfir þau verkefni sem skólum býðst að taka þátt í á loftslagsdeginum og fá kennarar leiðbeiningar og aðstoð við innleiðingu þeirra í kjölfar námskeiðsins.

Námskeiðið hentar öllum kennurum, á leið- og grunnskólastigi.

Menntun til sjálfbærni

5. október, þriðjudagur kl. 15:00-17:00

Um þessar mundir eru lagðar nýjar línur í menntastefnu þjóðarinnar þar sem eitt af fimm meginstefum er *menntun til sjálfbærni*. Auk þess hefur áratugurinn 2005-2014 verið nefndur *Áratugur menntunar til sjálfbærrar þróunar* af Sameinuðu þjóðunum.

Sjálfbær þróun er margslungið hugtak sem hefur vafist fyrir mörgum. Á námskeiðinu verður fjallað um rætur hugtaksins og hvað það þýðir í skólastarfi. Fjallað verður um sjálfbærni í skólastarfi og hugað að kennsluverkefnum sem auðvelda kennurum að takast á við þetta viðamikla verkefni.

Námskeiðið hentar öllum kennurum og áhugafólki um umhverfismennt.

Útikennsla – lykill að menntun til sjálfbærni

26. október, fimmtudagur kl. 15:00-17:00

Í útikennslu sameinast mörg af markmiðum menntunar til sjálfbærni og sjálfsagt er að nýta tækifærin sem gefast í útikennslu til að styðja við menntun til sjálfbærni. Markmið námskeiðsins er að varpa ljósi á þessa möguleika og styðja kennara til að skoða ýmis útikennsluverkefni í þessu samhengi.

Námskeiðið byggir á grein sem verkefnisstjóri Náttúruskólans ritar í Skólavörðuna í haust og hentar öllum kennurum og áhugafólki um umhverfismennt.



Hengið blaðið upp
sem veggspjald!

Náttúruskóli
Reykjavíkur

